

چنت انتظر شهرك يمر وأنا ابفؤادى المنكسر  
ألبس سوادى ابعاشور وتجرى مدامع عيني

\*\*\*\*

عذبنى هجرى والخالگ لامتتى  
من جفنى سالت دمعتى لامتتى  
لا صفحه اشواگى امتلت لا متتى

بين العصص صبرى خلص ردت أحجى لك عنى قصص  
عنى انسلب منها النور ليل السهر عامينى

\*\*\*\*

عطشانه روحى وعشرتك ماى ألهما  
من جيتك بس يعتدل مايلهها  
صدگنى عنك هالگلب ما يلهى

أجرى الدمع مخنى الضلع إرحم دليلى المنفجع  
أحجى وصدى عتبى أيدوز ما غيرك أيواسينى

\*\*\*\*

جدمى اعلاه دربك يا شهر خطيته  
واسمك حرز وسط الغلب خطيته  
راى اليخالف شوگى لك خطيته

راسى أشتعلى جسمى أنتحل بين الرجا وبين الأمل  
رايد لك أوفى لنوز وانصب عزا لحسينى

\*\*\*\*

مليت وصبري بمهتني ملاني  
ودهري هموم بغيتك ملاني  
ومن البواحي أصبحت ملا أني

إي مختنگ أحجي صِدْگ نار وفوادي يحترگ

إرحم فوادي الموجور وارحم عذاب اسنيني

\*\*\*\*

شوگي في روعي محرّمك خلاها  
ومرهونه بس مواصاك خلاها  
بس انتة من دون الخلك خلاها

ليتك تجي وبيك التجي مثول وگربك ارتجي

انتة الحصن وانتة السور يا ريتك اتداريني

\*\*\*\*

عن حبك بكل العمر ما أبري  
لو تاكل بجسمي العلل ما أبري  
ولو تنعمي عيني وأظل ما أبري

ثق يا شهر هذا البصر منذور ايواسي المنتظر

يجري الدمع جري أبحور ينزف دما أمن أونيني